

आकाशवाणी

1. संसद दे दौनों सदनों गी अनमित्थे समें लेई स्थगित करी दिता गोआ ऐ जेदे करी मानसून सत्र दरान 12 बिल पारित होए, विपक्ष दे हंगामे दे मददेनजर लोकसभा च सिर्फ 19 फीसद उत्पादकता दर्ज कीती गई।
2. संसद नै खान्ने ते खनिजें दे क्षेत्र गी होर कुशल बनाने लेई एहदे नै सरबंधत संशोधन बिल 2026 पारित कीता।
3. उपराष्ट्रपति द्रौपदी मुर्मू होरें 100 शा मते कलाकारें गी संगीत नाटक अकादमी फेलोशिप ते अवार्ड दिते।
4. अमरीका दे केई राज्यें 15 अगस्त दे चेतें च आजादी दा जश्न मनाने लेई भरत दिवस दे तौरा पर खास घोशणा करा'रदे न।
5. कोलंबिया नै शक्तिशाली भूचाल दे मगरा राहत दे जत्ने लेई उपास करने आस्तें आर्थिक आपातकाल दी घोशणा कीती।
6. ते कनाडा दे ओपन प्लेनिस च पिछले चैंपियन बेन शेल्टन गी मान्द्रियल च पुरुष एकल फाइनल च ब्रैंडन नाकाशिमा दा सामना करडन।

<><><><><><>

Pral. Adjourned

संसद दे दोनों सदनों गी अनमित्थे समें लेई स्थगित करी दिता गोआ ऐ। पिछले महीने 20 तरीक गी शुरू होए दे संसद दे मानसून सत्र दा 25 दिनें दरान 19 बैठकें दे मगरा अज्ज समापन होई गोआ। मानसून सत्र दौरान राष्ट्रीय महत्व सने केई बिल पास कीते गे। लोक परीक्षा (अनुचित साधनें दी रोकथाम) संशोधन बिल, 2026, राष्ट्रीय सम्मान दे अपमान दी रोकथाम (संशोधन) बिल, ट्रिब्यूनल सुधार बिल, कर ते होरनें कानूनें (संशोधन) बिल, राष्ट्रीय सहकारी विकास निगम (संशोधन) बिल, ते केरल (नाम च बदलाव) बिल, 2026, पारित कीते गे। संसद नै विदेशी योगदान (नियमन) संशोधन बिल, 2026 गी बी होर मती जांच लेई सांझी संसदीय समिति गी सौंपी दिता। पर, इस सत्र च नीचे पेपर लीक होने पर विद्यार्थीएं दे विरोध प्रदर्शन, विरोध प्रदर्शन करने आहले विद्यार्थीएं खलाफ पुलिस दी कथित कार्रवाई ते अयोध्या राम मंदिर दे दान च कथित

तौर उप्पर विसंगतिएं दे मुद्दे पर बी बार-बार रुकाव आई। अपनी समापन भाषण च राज्यसभा दे चेयरमैन सीपी राधाकृष्णन होरें सदन च बार-बार होने आहली रुकावों उप्पर चिंता जताई। उन्हें हालांकि आखेआ जे सदन 12 बिल पास करिये वापस करिये अपने मुख विधायी कर्तबे गी पूरा करने च कामयाब रेहा। राधकृष्णन होरें दस्सेआ जे सदन सिर्फ 37 घंटे 49 मिं लेई कम्म करदा ऐ, जिसदे फलस्वरूप 39.17 प्रतिशत दी उत्पादकता होई ऐ। इस थमां पैहले विपक्ष दे नेता ते कांग्रेस अध्यक्ष मल्लिकार्जुन खर्गे होरें अपनी जनसभा दे मगरा उत्तराखंड दे हल्द्वानी च रामलीला मैदान च हवन करने दा मुद्दा चुक्केआ हा। उन्हें आखेआ जे उन्हें इस थाहै पर लोकें दी इक सभा गी संबोधित कीता हा ते अपने भाषण च कुसै बी समुदाय जां धर्म दा जिक्र नैई कीता ऐ।

<><><><><><>

Foreign Donation

संसद दे दौनें सदनें विदेशी अंशदान विनियमन संशोधन विधेयक 2026 अग्रे दी समीक्षा लेई संयुक्त संसदीय समिति गी भेजे जाने दा अनुमोदन करी दिता ऐ। एह विधेयक विदेशी अंशदान विनियमन अधिनियम 2010 च संशोधन करग। विधेयक दा मकसद विदेशी अंशदान गी मता पारदर्शी ते जवाबदेह बनाना ऐ। गृह राज्यमंत्री नित्यानंद राय होरें विधेयक गी व्यापक परामर्श संसद दे दौनें सदनें दे सदस्ये दी संयुक्त संसदीय समिति गी भेजे जाने दा प्रस्ताव लोकसभा च पेश कीता।

<><><><><><>

Rijju

केंद्री संसदीय मामले दे मंत्री किरन रिजिजू होरें विपक्ष पर दोष लाया जे ओह संसद च चर्चा थमां नस्सा करदे न जिसलै सरकार चर्चा लेई तैयार ही। उन्हें आखेआ जे विपक्षी सांसदे दा बवहार लोकतंत्र लेई खरा नैई ऐ, खास करी संसदी लोकतंत्र लेई। नमीं दिल्ली च इक प्रेस कांफ्रेंस गी संबोधित करदे होई रिजिजू होरें आखेआ जे संसद दा मकसद बहस, चर्चा ते विधायी कम्मकाज पर लगातार नारेबाजी ते बरोध-प्रदर्शनें दे चलदे मानसून सत्र च सदन दे कम्मकाज गी प्रभावित कीता ऐ। रिजिजू होरें आखेआ जे लोकसभा च उत्पादकता 19 फीसद ते राज्यसभा च 39 फीसद ऐ।

<><><><><><>

Mines and Minerals Bill

संसद नै खान्नें ते खनिजें दे विकास ते विनियमन सरबन्धी संशोधन बिल-2026 गी पास करी दिता ऐ। राज्यसभा च अज्ज कार्रवाई शुरू होंदे गै कोहले ते खाने सरबन्धी केंद्री मंत्री जी किशन रेड्डी होरें खान्नें ते खनिजें दे विकास ते विनियमन सरबन्धी कनून-1957 च तरमीम लेई एह बिल सदन च पेश कीता। इस बिल दा मकसद भारत दे खान्नें सरबन्धी खेतर गी मता तगड़ा, रास-पूजी लेई मुआफक ते महत्वपूर्ण खनिजें लेई बधदी मंग गी पूरा करने लेई तैयार करना ऐ। इस बिल पर जारी चर्चा दा परता दिंदे होई मंत्री जी. किशन होरें आखेआ जे सरकार नै पारदर्शिता जकीनी बनावे होई संसाधनें दे उचित प्रबंधन लेई बोलिएं दा सरिस्ता बी कीता ऐ।

<><><><><><>

Prez. Award

राष्ट्रपति द्रौपदी मुर्मू होरें अज्ज नमीं दिल्ली च आयोजित इक खास समारोह च 100 थमां मते कलाकारें गी बरें 2024 ते 2025 आस्तै संगीत नाटक अकादमी दी छात्रवृत्तियां ते पुरस्कार प्रदान कीते। एह पुरस्कार मुख्य दी प्रदर्शन कलाएं, संगीत, नृत्य, रंगमंच, लोक ते जनजातीय कलाएं, पारम्परिक रंगमंच ते होर सरबन्धित कला रूपें च योगदान आस्तै दिते गए न। इस मौके पर राष्ट्रपति होरें आखेआ जे पुरस्कार हासिल करने आहलें च आधुनिक भारत दी प्रतिभा ते समर्पण झलकदा ऐ। उनें आखेआ जे संगीत दी नेकां प्रणालियां न, नृत्ये दी केई शैलियां न ते लोक रंगमंच दे अनगिनत रूप ऐ। राष्ट्रपति होरें आखेआ जे समृद्ध लोक संस्कृति गी संरक्षित करने च महत्वपूर्ण भूमिका निभावे न। राष्ट्रपति होरें मुख्य दी लोक कलाएं दे विलुप्त होने दे खतरें पर चिंता जाहिर कीती।

<><><><><><>

US India Day

अमरीका च केई राज्य भारत दी आजादी समृद्ध विरासत ते विविधता दे कन्नै-कन्नै अमरीकी ताने-बाने च भारती अमरीकी प्रवासिएं दे बधदे योगदान गी मनावे होई 15 अगस्त गी भारत दिवस दे तौरा पर मनाने लेई खास घोशणा जारी करा करदे न। न्यूयार्क, न्यू जर्सी ते मैसाचुसेट्स दे बाद डेलावेयर भारत दे स्वतंत्रता दिवस दे मौके पर घोशणा जारी करने आहला हालिया राज्य ऐ। डेलावेयर दे गवर्नर मैथ्यू मेयर होरें इक

घोशणा पत्र पर दस्तखत करदे होई सबनैं नागरिकें गी भारत दिवस मनाने लेई आखेआ।

<><><><><><>

Jharkhand

झारखंड च जे.पी.एस.सी-जे.एस.एस.सी म्तेहानें च कथित गड़बड़िं दे बरोध च विद्यार्थिं दा प्रदर्शन अज्ज 20में ध्याड़े बी जारी ऐ। एह विद्यार्थी जयपाल सिंह मुंडा स्पोर्ट्स च अनियमितताएं दी सी.बी.आई जांच दी मंग गी लेइयै बरोध-प्रदर्शन करा'रदे न। उनें चेतावनी दिती ऐ कि जेगर उंदिआं मंगां पूरिया नेई होइयां तां ओह मुखमंत्रि आवास दी घेराबंदी करडन ते आंदोलन गी होर तेज करडन। मुखमंत्रि हुं'दे आवास दी घेराबंदी दी योजना दे बारै च जानकारी मिलने पर पुलिस नै पूरे इलाके च सुरक्षा बंदोबस्त निगार करी दिते न। तोआई, बीजेपी नेता रघुबर दास होरें बरोध-प्रदर्शन करा'रदे विद्यार्थिं दी मंगें गी जायज करार दिता ऐ।

<><><><><><>

Tiranga Yatra Safdar Jung Airport

केंद्री नागरिक हवाबाजी मंत्री राम मोहन नायडू होरें अज्ज नमीं दिल्ली दे सफरदगंज ब्हाई अड्डे दे इलाके च हर घर तिरंगा अभियान तैहत तिरंगा जातरा दा झंडा फहराया। मीडिया कन्ने गल्लबात करदे होइ उनें इस पैहलकदमी पर लोकें दी भारी प्रतिक्रिया पर मता मान ते खुशी जताई। उनें इस गल्लै पर लोs पाई जे हर तबके ते शोवे दे लोकें आसेआ किट्ठे होइयै राश्ट्री तिरंगा फहराना एकता ते देशभक्ति दी भावना गी दर्शादा ऐ। नायडू होरें आखेआ जे मुख्य किट्ठे होई अगगे बधदे होई राश्ट्रहित गी हर कुसै लेई म्हेशा सारें थमां उच्च प्राथमिकता बने दा रौहना लोइचदा।

<><><><><><>

Full Dress

स्वतंत्रता दिवस समारोह थमां पैहले अज्ज नमीं दिल्ली दे लाल किले च फुल ड्रेस रिहर्सल दा आयोजन कीता गेआ। रक्षा मंत्रालय नै सोशल मीडिया पोस् च आखेआ जे इस रिहर्सल नै समारोह दे औपचारिक वैभव सपीकता ते देशभक्ति दी भावना गी

प्रदर्शित कीता। इस बरे दा समारोह वंदे मातरम दे 150 बरे पूरे होने दा उत्सव मनाग ते एहदा मुख विशेसार होग विकसित भारत @2027 आस्तै युवा शक्ति।

<><><><><><>

Full Dress Reharsals

स्वतंत्रता दिवस सरबन्धी तैयारिं दे मद्देनजर अज्ज जम्मू खिते च फुल ड्रेस रिजर्सल कीती गई। जम्मू दे मौलाना आजाद स्टेडियम च जम्मू दे डिविजनल कमिशनर रमेश कुमार होरें राश्ट्री झंडा फहराया ते मार्च पास दी सलामी लैती। पुलिस, सुरक्षा बल, एन.सी.सी कैडेट्स ते विद्यार्थिं दिं पुकड़िं मार्च पास कीता। 15 अगस्त गी मुख समारोह मोलाना आजाद स्टेडियम च होग। साम्बा च राजस्व मैहकमे दे सहायक आयुक्त अजय भारती होरें फुल ड्रेस रिहर्सल आहली परेड दी सलामी लैती। इसै चाल्ली कठुआ च बी फुल ड्रेस रिहर्सल होई ते डिप्टी कमिशनर राजेश होरें झंडा फहराया ते मार्च पास दी सलामी लैती।

<><><><><><>

Colombia Eco Emergency

कोलंबिया दे राष्ट्रपति अबेलादो डी लो एस्प्रिएला होरें इक आर्थिक आपातकाल दा ऐलान कीता ऐ तां जे सरकार गी इक जबरदस्त भूचाल दे मगरा राहत ते परतियै बहाली लेई असाधारण उपां गी अपनाने योग बनाया जाई सकै। अधिकारी मूजब इस भूचाल च घटोघट 265 लोकें दी मौत होई गई ऐ ते 3 जहार 494 लोक जखमी होई गए न। एस्प्रिएला होरें इस आपदा गी इक बड्डे पैमाने पर त्रासदी करार दिंदे होई आखेआ जे सरकार प्रभावित परौआरें, कारोबारियें ते समुदायें दी मदद लेई जरूरी उपां दी तैयारी करा'रदी ऐ ते कन्नै गै परतियै बहाली दे जतनें गी बी तेज करा'रदी ऐ। इस हफ्ते संगारें कोलंबिया च आए दे 7 इशारिया 4 तीव्रता दे भूचाल नै तकरीबन 54 जहार लोकें गी प्रभावित कीता ऐ ते व्यापक नुकसान पजाया ऐ।

<><><><><><>

Heavy Rainfall Odisha

बंगाल दी खाड़ी च बने दे दबाव दे चलदे ओडिशा च भारी बरखा जारी ऐ जेदे करी केई उत्तरी जिलें च हाड़ आहली स्थिति पैदा होई गेई ऐ। भारती मौसम विभाग नै अगले 24एं घण्टों च मती भारी बरखा होने दी भविष्यवाणी कीती ऐ।

<><><><><><>

Deep Depression Bay of Bengal

बंगाल दी उत्तर पच्छमी खाड़ी च पच्छिम बंगाल ते एहदे कन्नै लगदे बंगलादेश दे तों पर गहरा दबाव करी दक्खन बंगाल च भारी बरखा होआरदी ऐ। एह दबाव इसलै कैनिंग थमां उत्तर पच्छमी, कोलकाता थमां कोई 40 किलोमीटर दक्खन पूर्व ते मदीनीपुर थमां 130 किलोमीटर पूर्व च ऐ। एहदे च प्रभाव च दक्खन बंगाल दे तकरीबन सारे जिलें च अज्ज बरखा होने दी मेद जताई ऐ। मौसम विभाग नै बांकुरा ते पच्छमी मदीनी पुर च खरी मती बरखा होने दी शंका दे चलदे रेड अलर्ट जारी कीता ऐ। पुरुलिया, झारग्राम, पूर्वी मदीनीपुर ते पच्छमी गुरडवान च भारी थमां मती भारी बरखा गी लेइयै ओरेंज अलर्ट जारी कीते दा ऐ।

<><><><><><>

IMD Red Colour Warning

भारती मौसम विभाग नै छत्तीसगढ़, गंगटोक, पच्छमीबंगाल ते ओडिशा च मती भारी बरखा होने दे सरबंथै च रेड अलर्ट लेई खबरदार कीता ऐ। कल तगर हिमाचल प्रदेश, उत्तराखंड, उत्तर प्रदेश, कोंकण, गोवा, केरल, माहे, मध्य प्रदेश ते उत्तर पूर्वी भारत दे किश हिस्सें च बी भारी बरखा होने दी मेद ऐं

<><><><><><>

Weather

जम्मू-कश्मीर दिएं मती सारी थाहें पर अगले इक हफ्ते दरान हौली थमां दरम्याने दर्जे दी बरखा बरने ते गरज-चमक सने किश थाहरें पर बड़ी तेज बरखा बरने दे बी असार न। आकाशवाणी दे जम्मू संवाददाता दी रिपोर्ट मूजब मौसम विभाग नै अज्ज 13 थमां 15 अगस्त दे दरमयान प्रदेश दिएं मती सारी थाहें पर खास करियै बड़लै सवेला ते चिरें दपैहरी जां संझालै हौली थमां दरम्याने दर्जे दी बरखा बरने ते गरज-चमक दी

भविष्यवाणी कीती ऐ। एहदे परैंत 16 थमां 19 अगस्त धोड़ी जम्मू संभाग दे किश जिलें दिएं मती सारी थाहें पर इयै नेया गै मौसम बने दा रेई सकदा ऐ।

<><><><><><>

Canadian Open Tennis

कनाडा ओपन टेनिस टूर्नामेंट च मर्दे दे सिंगल्स फाइनल च अमरीका दे ब्रैंडन नाकाशीमा दा मुकाबला अपने गै मुख्य दे बेन शेल्टन कन्नै होग। अज्ज सेमीफाइनल च ब्रैंडन नै स्पेन दे राफेल जोडर गी ते शेल्टन नै लर्नर पिएन गी हराया। फाइनल मुकाबला कल खेइडेआ जाहग। महिला सिंगल्स च कोको गोफ ते ईगा स्विायतेक नै फाइनल च थाहर बनाई लैती ऐ। ईगा स्विायतेक नै सेमीफाइनल च एलिना स्वेतोलिना गी हराया।

<><><><><><>